

კვირის მიმოხილვა

40, 22-29 დეკემბერი

22-29 დეკემბრის პერიოდში შემდეგი ტენდენციები იყო აქტუალური:

- რელიგიური ნიშნით დისკრიმინაციას მუსლიმთა მიმართ ტელეკომპანია "კავკასიის" წამყვანის მხრიდან ჰქონდა ადგილი;
- თურქოფობია როგორც რეპონდენტის, ასევე ჟურნალისტის (Geworld.ge) მხრიდან იყო გამოხატული;
- ჰომოფობიური იყო მედია-კავშირის მთელი გადაცემა, რომელშიც ჰომოსექსუალობაზე დისკრიმინაციული ფილმი, სახელწოდებით "სოდომი" გავიდა და თანმდევი განხილვა სტუდიაში, რომელიც ანტიდასავლურ კონტექსტუალიზაციასაც ახდენდა;

- ინტერპრესნიუსის ინფორმაციაში შეზღუდული შესაძლებლობის ბავშვები უნარშეზღუდულებად იყვენენ მოხსენიებული, თუმცა MDF-ის მიმართვის შემდეგ რედაქციამ გაიზიარა შენიშვნა და ტერმინი "შშმ ბავშვებით" შეცვალა;
- ანტიდასავლური განწყობები ტრადიციულ შეთქმულების თეორიებთან ერთად დაკავშირებული იყო ისეთ თემებთან, როგორცაა: ლგბტ პირების უფლებები, რეგიონალური ენების ქარტიის რატიფიცირება და მისი გაიგივება ტერიტორიების დაკარგვასთან, ასევე სტრასბურგში ასოცირების ხელშეკრულების რატიფიცირებაზე საქართველოს ყოფილი პრეზიდენტის მიწვევა.



რეაგირება

რელიგიური ნიშნით დისკრიმინაციისა და ბავშვთა უფლებების დარღვევის გამო არასამთავრობოებმა ტელეკომპანია "იმედს" საჩივრით მიმართეს

ტელეკომპანია "იმედის" ეთერში, 25 დეკემბერს, გადაცემაში "სხვა რაკურსით" გასულ სიუჟეტთან დაკავშირებით "მედრესეში მიზარებულ ბავშვებს" სამმა არასამთავრობო ორგანიზაციამ ტელეკომპანიის თვითრეგულირების ორგანოს საჩივრით მიმართა.



გაგრძელება გვ. 7

შინაარსი

რელიგიური ნიშნით დისკრიმინაცია	2
თურქოფობია	2
ჰომოფობია	3
ანტიდასავლური განწყობები	4-6
გენდერული ნიშნით დისკრიმინაცია	6

რელიგიური ნიშნით დისკრიმინაცია

კავკასია, სკიპტრი, 26 დეკემბერი

დავით აქუზარდია, წამყვანი: "მაჰაბასი იყო პათოლოგი საქართველოსთვის. 6000 მღვდელ-მსახური ამოგვიწვიტა დავითგარეჯში, თან როდის? ადდგომა დამეს... ცნობილი ისტორიაა, 30 000 ლაზს თავეები დაჭრეს... 50 ათასიანი არმია ხეობაში მიაყენეს, ვინც არ მიიღებთ ისლამს, თავებს დაგაყრევენებთო. დააყრევენეს. მაჰატიე რა, ამდენ მეჩეთებს რომ ვარიგებთ, ჯერ სახელმწიფოს სახელით იმ 30 ათას ლაზზე ბოდიში მოიხადა თურქეთის რომელიმე ჩინოვნიკმა საქართველოს წინაშე?... ან ჩვენი ირანელი ძმებისგან და ისტორიული მეზობლებისგან ვინმემ მოიხადა 6000 მღვდელმსახურს რომ ყელი დააჭრეს?... რატომღაც ამ ბეჩავი ქრისტიანებისგან ითხოვენ ტოლერანტობას. იქედან მოდის ეს მესიჯი?..

რა საჭირო იყო [მინარეთის] ტრანსპორტირება თურქეთიდან?... ახლა იმ სოფელში, ხო ის მინარეთი დაფინანსებულია? არ უნდა ხდებოდეს უცხო ქვეყნიდან დაფინანსებული, დაპროექტებული, რაღაცა შემაკავებელი უნდა არსებობდეს... ევროპული გამოცდილება არის, ადრე თუ გვიან ჩვენც გვექნება პრობლემა ამ ისლამურ ფუნდამენტალიზმთან, მართლა გვექნება...

ეხლა, არიან აგერ ჩინელები, ცოტანი არიან, მაგრამ, ხო იყო ერთი ოცდაათათასი კაცი, მაგენი მოითხოვენ მერე ბუდისტური სამლოცველოების აშენებას."

ზაზა ვაშაყმაძე, რელიგიის სააგენტოს ხელმძღვანელი: "საქართველოში ვერცერთი ვერ მოიყვანს ფაქტს, რომ რელიგიის თავისუფლება ირღვეოდეს პიროვნულ დონეზე... გამოხატვა არ უნდა იწვევდეს სხვისი უფლებების შეზღუდვას"...

<http://www.myvideo.ge/?act=dvr&chan=caucasia&seekTime=26-12-2014+19%3A36>

თურქოფობია

GEWORLD.GE, 24 დეკემბერი

ალექსანდრე ჭაჭია, მოსკოვში მოღვაწე პოლიტოლოგი: "აჭარაში არასოდეს უცხოვრია ამდენ თურქს, მაშინაც კი, როდესაც იგი ოსმალეთის იმპერიის შემადგენლობაში იყო..."

თურქული ეროვნული ელიტა (პოლიტიკური, ინტელექტუალური, სამხედრო) ყოველთვის მიიჩნევდა აჭარას თავის ისტორიულ ტერიტორიად...

თუ თურქებმა მეჩეთის აშენება გადაწყვიტეს, ისინი მას ააშენებენ, ხოლო, თუ საპროტესტო გამოსვლები ეთნიკურ და რელიგიურ დაპირისპირებაში გადაიზრდება, თურქეთი ცერემონიებს არ დაიწყებს...

თუ ადრე ჩვენს უკან რუსეთი იდგა და შეგვემ-

ლო, დიდი ყურადღება არ მიგვეცია ისლამური ფაქტორისთვის, დღეს იგი ჩვენი არსებობის უმნიშვნელოვანესი პირობა გახდა. ჩვენ 200 წელია, დაგვაგვიწყდა, მაგრამ თურქეთსა და ირანს მშვენივრად ახსოვთ, რომ საუკუნეების განმავლობაში საქართველომათი ვასალური ტერიტორია იყო."

გიორგი ბაჩყალიძე, ავტორი:

„აჭარაში თურქების აქტიურობა, ადგილობრივ მოსახლეობაში ისლამური ფაქტორის ზრდა, თურქეთისა და რუსეთის ინტერესების თანხვედრა, საქართველოს ხელისუფლებას ლამის მონური მორჩილება დასავლეთისადმი - ეს ის ფაქტორებია... რომლებიც საქართველოს კარგს არაფერს მოუტანს.“

<http://bit.ly/13Okvpm>



დავით აქუზარდია, წამყვანი: "მაჰატიე რა, ამდენ მეჩეთებს რომ ვარიგებთ, ჯერ სახელმწიფოს სახელით იმ 30 ათას ლაზზე ბოდიში მოიხადა თურქეთის რომელიმე ჩინოვნიკმა საქართველოს წინაშე?... ან ჩვენი ირანელი ძმებისგან და ისტორიული მეზობლებისგან ვინმემ მოიხადა 6000 მღვდელმსახურს რომ ყელი დააჭრეს?"

ჰომოფობია

კავკასია, სპექტრი, 25 დეკემბერი

ვასტანო რჩეულიშვილი, პარლამენტის ყოფილი ვიცე-სპიკერი: "როგორ მეგონა იმ საქართველოში ვიცხოვრებდი, სადაც გამოდის ერთსქესიან ოჯახების დამცველი პირველი, ეს იდენტობის ხელმძღვანელი... და აგინებს, მოლაღატეობაში ბრალს დებს უწმინდესს."

ობიექტივი, ღამის სტუდია, 28 დეკემბერი

ვალერი კვარაცხელია, წამყვანი: "ამ თემის [ჰომოსექსუალობის] პროპაგანდა კანონით უნდა იკრძალებოდეს თუ არ უნდა იკრძალებოდეს ?

თამარ კიკნაძე, პოლიტოლოგი: ჩემის აზრით უნდა იკრძალებოდეს...

ვალერი კვარაცხელია: მე პირადად ვერანაირად ვერ მოვეკიდები გაგებით აი, ამ მოვლენის [ჰომოსექსუალობის] პროპაგანდისტებს, იმათ, ვინც ცდილობს, რომ ეს თავზე მოახვიოს საზოგადოებას...

გივი მირაზიშვილი, ფსიქოლოგიის მეცნიერებათა დოქტორი: შესაძლებელია ასეთი გამოთქმა არსებობს არა, რუსული გამოთქმაა „дурные примеры заразительные“ და მართლაც ასეა...

ჩვენ სპეციალურად ჰომოსექსუალებთან არ ვმუშაობთ, მაგრამ ჩვენ ვებრძვით თვითონ ფსიქიკურ აშლილობას, უამრავი ფორმით ვლინდება. ამდენად, როდესაც ინკურნება ეს ადამიანი ნევროზისგან თუ ფსიქოზისგან, ეს [ჰომოსექსუალობა] თავისთავად ინკურნება.

ნუზუარ რუსაძე, პუბლიცისტი და ჟურნალისტი: საქართველოში ეს თუ გავრცელდა, ჩვენი საქმე იქნება უარესად. რატომ? იმიტომ, რომ თუ კაცს კაცთან მოუწდება დაწოლა და ქალს ქალთან და დედალ მამალი ერთმანეთს უარყოფს საქართველოში, მაშინ წავალთ უკან და თუ არაფრად აღარ ითვლება ჩვენი გამრავლება ქართველი ერის მაშინ დავანებოთ ყველაფერს თავი ხომ?"

http://www.myvideo.ge/?video_id=2479221

http://www.myvideo.ge/?video_id=2479191

http://www.myvideo.ge/?video_id=2479241

ასავალ-დასავალი, 22-28 დეკემბერი

გიორგი გიგაური, ჟურნალისტი: "ამდენად, მე, როგორც ერთ რიგით ქართველს, ჩემი ასობით ათასი თანამემამულის მსგავსად, თამამად შემძლია, ყველა ჯურის ქათმის ტვინა ლიბერატისა და მათი უცხოელი ბატონების გასაგონად ვთქვა: დიახ მეამაყება, რომ კაცობრიო დვთისმშობლის წილხვედრ, მადლიან, ქართულ მიწაზე დაბადებულმა, ქართული გენის უთვალსაჩინოესმა წარმომადგენელმა - ქართველმა იოსებ ჯუღაშვილმა, გენერალისიმუსმა სტალინმა გადაარჩინა!"

GEWORLD.GE, 24 დეკემბერი

მლიზბარ ჯაპელიძე, სახალხო კრება: „როგორც კი, პრემიერმა ღარიბაშვილმა განაცხადა, რომ ქართველი ხალხი ერთსქესიანთა ქორწინებას არ დაუშვებს, ერთ კვირაში ანტიდისკრიმინაციული კანონი მიიღეს. ამის შემდეგ შეიძლება რაიმე ცვლილებაზე საუბარი?“

<http://bit.ly/1vCDnly>

კპირის ქრონიკა, 22-29 დეკემბერი

ცინცინო შურღანია, პლასტიკური ქირურგი: "ეს არის ცხოვრებისგან გაბოროტებული ჰომოსექსუალი. როგორც ყველა ჰომოსექსუალი, ქალივით ლამაზი რომ გამხდარიყო, ეგვი მთხოვდა ოპერაციების გაკეთებას."

GEWORLD.GE, 25 დეკემბერი

არამაზ სანუაშვილი, ავტორი: „გახრწნილების ამ ფორმას [პორნო და სექს საიტებს] ლობიერებს ლესბოსელთა, ჰომოსექსუალებთა და ტრანსგენდერთა საზოგადოებები, რომლებიც დაჟინებით მოითხოვენ ბავშვების ადრეული სექსუალიზაციის დანერგვას და აღწევენ კიდევ თავისას..."

კანიბალიზმის ბრალდებით პოლიციამ დააპატიმრა 41 წლის მამაკაცი. ჩართული ვიდეო კამერის წინ მან მოკლა, აქნა და შეჭამა 42 წლის მამაკაცი... ამ უკანასკნელის თანხმობით. ეს დანაშაული ახსნეს იმით, რომ ორივე მამაკაცი მიდრეკილი იყო ჰომოსექსუალიზმისა და კანიბალიზმისკენ."

<http://bit.ly/1A4e64S>



ვალერი კვარაცხელია, წამყვანი: "მე პირადად

ვერანაირად ვერ მოვეკიდები გაგებით აი, ამ მოვლენის [ჰომოსექსუალობის] პროპაგანდისტებს, იმათ, ვინც ცდილობს, რომ ეს თავზე მოახვიოს საზოგადოებას..."

ანტიდასავლური განწყობები

ოზიმატივი, ღამის სტუდია,
28 დეკემბერი

ვალერი კვარაცხელია, წამყვანი: "ერთ სა-
ინტერესო პატარა ამონარიდს წაგიკითხავთ ამ-
ერიკელი პროფესორი გახლავთ, ფსიქიატრი
„...დასავლეთის პოლიტიკის არსი მდგომარე-
ობს იმაში, რომ ჰომოსექსუალიზმის სამარცხვი-
ნო დროში ფრიალებდეს მთელს მსოფლიოში,
მაგრამ რატომ?.. ეს არის მართვის ფორმა, ეს არ-
ის საზოგადოებაზე გავლენის მეტი შესაძლებ-
ლობა..."

http://www.myvideo.ge/?video_id=2479316

თამარ კიკნაძე, პოლიტოლოგი: გლობალი-
ზაციამ მოგვიტანა ის, რომ დღეს ექვემ არის
ჩვენი ეროვნება. ხედავთ როგორი შეტევა არის
რელიგიაზე ხომ? ესეა ექვემ არის ჩვენი გენ-
დერიც და უკვე პრობლემა არის იდენტიფიცი-
რება იმისა, ქალაი თუ კაცია ადამიანი... იგივე
კონჩიტა, რომელიც გამარჯვებული გახდა ევ-
როვიზიაზე და მას ასეთი საზეიმო მიღება მო-
უწყვეს ევროპარლამენტში. იგივე თუ გადავხე-
დავთ, მაგალითად, პოლიტიკურ ისტებლიშ-
მენტს, ბელგიის პრემიერ-მინისტრი არის ჰომო-
სექსუალი. იგივე, ვთქვათ, გერმანიის საგარეო
საქმეთა მინისტრი. ასე რომ, ნამდვილად პრიო-
რიტეტულია ეს პოლიტიკური წრეებისთვის...

ჩვენ ვხედავთ, რომ ქრისტიანობას დღეს სერი-
ოზული პრობლემა ექმნება. მაგალითად,
ევროპა, ჩემი აზრით, უკვე ქრისტიანული აღარ
არის იმიტომ, რომ მის კონსტიტუციაში
აღარაფერი არ წერია ამის შესახებ. გარდა
მაგისა, შეტევა იგივე ჩვენს რელიგიაზე... ჩვენს
პატრიარქზე შეტევა...

http://www.myvideo.ge/?video_id=2479191

http://www.myvideo.ge/?video_id=2479195

მაყურებელი: ვერცერთი ჰომოსექსუალი, ტრა-
ნსგენდერი თუ რაც არიან, ვერ წარმოშობს შთა-
მომავლობას. და მსოფლიოს ჩრდილოელ მთავ-
რობას გადაწყვეტილი აქვს დედამიწის მოსახლ-
ეობის შემცირება 240 მილიონ ადამიანამდე. მა-
თი დახოცვა, 7 მილიარდზე მეტი ვართ ხომ, მა-
ლიან ძვირი დაჯდება. ამიტომ თუ ჩვენ თვით-
ონ აღარ გვექნება რეპროდუქცია მოსახლეობის,
თავისთავად გავწყდებით, რათა დარჩეს ის, რაც
მათ უნდათ...

ამიტომ გადაწყვიტა ბატონმა ობამამ, ასევე ქალ-
ბატონმა კლინტონმა, განაცხადეს, რომ ყველა
ქვეყანა, ვინც წინააღმდეგი იქნება ასეთი არა-
ტრადიციული სექსუალური მიდრეკილებებ-
ისა, იქნება ამერიკის არა მეგობარი, არამედ
მტერი."

ოზიმატივი, ღამის სტუდია,
23 დეკემბერი

მაყურებელი: ესეა ჩვენ პუტინი, როგორც და-
მპყრობელი, წაგვართვა მიწები, რაზეა ლაპარა-
კი, კი ბატონო, მაგრამ ევროკავშირი, რომ გვა-
რთმევს ესეა ჩვენ ტრადიციას, კულტურას და
ზნეობას... გულს გვტყვენ რომელი უფრო - მი-
წა თუ ჩვენი ტრადიცია და კულტურა, რასაც
საქართველო ქვია?"

http://www.myvideo.ge/?video_id=2476555

მაყურებელი: "ამერიკა, არც ერაყში, არც ავღან-
ეთში, არც სირიაში, არც ლიბიაში უმიზეზოდ
არ შესულა თითქოს, მაგრამ რაღაცა მიზეზს
გამოიწვევს და რაღაცა მიზეზითაც შედის მერე
ხომ?"

დღეს ერთადერთი ბასტიონი მართლმადიდ-
ებლობისა დგას რუსეთი... გინდაც ჩვენ, გინ-
დაც საბერძნეთი, გინდათ ბულგარეთი და აგ-
ერ, ეს პატარა სასომხეთი რომ ჩვენ მართლმა-
დიდებლობა ან ქრისტიანობა საერთოდ შევინ-
არჩუნოთ და ხო არ არის ეს ზრდოლა?..."

http://www.myvideo.ge/?video_id=2476552

ასავალ-დასავალი, 22-28 დეკემბერი

გიორგი გიბაური, ჟურნალისტი: "საქარ-
თველოს დღესაც ებრძვიან, რადგან ჩვენს
თვალწინ, ათასწლოვანი ქართული სამოცი-
ქულო მართლმადიდებლური ეკლესიის წინ-
ააღმდეგ მიმდინარეობს ტოტალური, გლობა-
ლური მასშტაბის შეტევა, რომლის მიზანი - ქა-
რთული სულიერებისა და ფასეულობების ამ
უკანასკნელი ციტადელის აღგვა პირისაგან მი-
წისა!"

პვირის ქრონიკა, 22-29 დეკემბერი

გიორგი ჯიქიაშვილი, ჟურნალისტი:

"დღეს კი უკვე დიდმა და პატარამ იცის, რომ
ამერიკისთვის საქართველო მოკავშირე კი არა,
ერთი რიგითი, უმნიშვნელო კოლონიაა,
რომელსაც ხან რუსეთის საზღვრებზე და მერე
კრემლის სალანძღავად გამოიყენებს, ხანაც
ახლო აღმოსავლეთის რომელიმე ქვეყანაში
სიკვდილის ესკადრონების გასაგზავნად და
ვითომ ტერორისტების წინააღმდეგ
საბრძოლველად..."

გაგრძელება გვ. 5

ანტიდასავლური განწყობები

დასაწყისი გვ.4

ამდენად, ბატონებო, მოცემულობა მარტივია, - ქართველი ხალხი ან უბრალოდ იტყვის ამერიკის მარიონეტობაზე და არაფრისმომცემ "მეგობრობაზე", რომელიც დღეს კოსმოსური სიჩქარით მიგვაქანებს უფსკრულისაკენ."

ასავალ-დასავალი, 22-28 დეკემბერი

არნო სიდირაპიშვილი, საქინფორმი:

"ცუდია, რომ ამ რატიფიკაციის კვალდაკვალ საქართველო იძულებული გახდება, რატიფიცირება გაუკეთოს რეგიონული ენების ევროპულ ქარტიას... ამ რატიფიკაციით მეგრული, სომხური და აზერბაიჯანული ენები შეიძენენ რეგიონული ენების სტატუსს, საიდანაც ერთი ნაბიჯია სამეგრელოსა, სამცხე-ჯავახეთისა და ქვემო ქართლის ავტონომიებად გამოცხადებამდე!"

საქინფორმი, 23 დეკემბერი

როგორც საქინფორმის მთავარი რედაქტორი არნო სიდირაპიშვილი 2013 წლის 13 დეკემბერს აფრთხილებდა, ევროკავშირთან საქართველოს ასოციაციის შეთანხმების ხელმოწერით, ჩვენ, ევროქართველები, არა მარტო საბოლოოდ დავკარგავთ აფხაზეთსა და სამხრეთ ოსეთს, არამედ შესაძლოა სამცხე-ჯავახეთი, სამეგრელო, აჭარა და ქვემო ქართლიც დავკარგოთ...

[რეგიონალური ენების ევროპული ქარტიის რატიფიცირებიდან] ერთი ნაბიჯია სამეგრელოს, სამცხე-ჯავახეთისა და ქვემო ქართლის ავტონომიებად გამოცხადებამდე".
<http://bit.ly/1DMxTad>

საქინფორმი, 22 დეკემბერი

არნო სიდირაპიშვილი, საქინფორმის მთავარი რედაქტორი: "როგორც სამართლიანად აღნიშნა ქართველმა პოლიტიკოსმა, პროფესორმა ალექსანდრე ჭაჭიამ, „ევროპა არასოდეს არ მიიჩნევდა საქართველოს თავის ნაწილად..."

და განა საქართველო კიდევ არსებობს როგორც დამოუკიდებელი ნაციონალური სახელმწიფო თავისი ნაციონალური ტრადიციებით, წეს-ჩვეულებებით, ზნეობრივი ნორმებით?! განა მე-20 საუკუნის ბოლო ათწლეულიდან მას არ ანადგურებს დასავლეთი?"

<http://bit.ly/1ALEuDn>

პირველი, 22 დეკემბერი

ნინო ბურჯანაძე, ბურჯანაძე-ერთიანი ოპოზიცია:

"ეს ფაქტი [ასოციაციის ხელშეწყობის რატიფიცირების ცერემონიაზე მიხილ სააკაშვილის მიწვევა] ძალიან ნათლად ადასტურებს იმას, რომ საქართველო, როგორც სუვერენული სახელმწიფო, როგორც ჩანს, ევროპისთვის აღარ არსებობს და ადასტურებს იმას, რომ ჩვენ ვართ მხოლოდ და მხოლოდ ტერიტორია, რომელიც საინტერესოა ჩვენი დასავლელი პარტნიორებისათვის."

http://pia.ge/show_news.php?id=30901&lang=geo

ასავალ-დასავალი, 22-28 დეკემბერი

გიგლა ბარამიძე, ბურჯანაძე - გაერთიანებული დემოკრატები:

"სტრასბურგში, მთლად, ძეგნილი კაციჭამია სააკაშვილის მიპატიჟებით მოგვაყენეს შეურაცხყოფა!"

GEWORLD.GE, 24 დეკემბერი

მლიზბარ ჯამელიძე, სახალხო კრება:

"ყველა საზიზღრობა, რომლებიც ჩვენს ქვეყანაში ხდება, დასავლეთისგან მოდის... არ გვინდა ევროპა, რომელიც მკვლელ სააკაშვილს ტაშით ხვდება..."

<http://bit.ly/1vCDnuy>

ასავალ-დასავალი, 22-28 დეკემბერი

რეზო ამაშუკელი, პოეტი: "პირდაპირ ვაცხადებ და მოვითხოვ, სიტყვასიტყვით დაწერეთ - სარი უთხრიათ ერთსაც, მეორესაც და მთელ იმ ევროპარლამენტსაც, რომელმაც ასე აიგდო ქართველი ერი, ასე სულში ჩააფურთხა მთელ საქართველოს!..

დიახ, მთელი ხმით ვაცხადებ და ასე დაწერეთ - 2014 წლის 18 დეკემბრიდან მე მეზიზღება ევროპა! მე პროტესტს ვაცხადებ ამერიკის წინააღმდეგ! მე მძულს დასავლეთი!"

გაგრძელება გვ. 6

ანტიდასავლური განწყობები

დასაწყისი გვ. 5

ასავალ-დასავალი, 22-28 დეკემბერი

გიორგი გიგაური, ჟურნალისტი: "დიახ, თუ ევროკავშირისთვის მამაკაცების გაუპატიურების სისტემის შემქმნელი და წამახალისებელი სააკაშვილი საპატიო სტუმარია, მაშინ ქართველ ხალხში ევროკავშირიც მამაკაცების გამაუპატიურებელი სისტემის შემქმნელ სააკაშვილთან ასო-ცირდება!"

ასავალ-დასავალი, 22-28 დეკემბერი

დიტო ჩუბინიშვილი, ჟურნალისტი: "...როცა ქართველი ხალხის მიერ ქვეყნიდან გაპანდურებული სააკაშვილი ევროპარლამენტში ძვირფასი სტუმრის სტატუსით მიიწვიეს და ამით ფაქტობრივად გვითხრეს - „ყურებზე რომ გაიაროთ, მიშა ჩვენს მიერ გამოზრდილი კონჩიტაა, რომელსაც ყოველთვის თქვენზე წინ დავაყენებთ და გაჭირვებაში არ მივატოვებთ!“"

კვირის ქრონიკა, 22-29 დეკემბერი

გიორგი ჯიქიაშვილი, ჟურნალისტი: "საით მიდის საქართველო, იმ ევროპისკენ, რომელიც თითოეული ქართველის მოსისხლე მტერსა და ქვეყნის დამაქცევარ სააკაშვილს კბილებით იცავს?!"

ასავალ-დასავალი, 22-28 დეკემბერი

დიტო ჩუბინიძე, ჟურნალისტი: "...როცა მთელი ერი შეურაცხვეს და ასოცირების ხელშეკრულების ხელმოწერაზე სააკაშვილი სტრასბურგში დაგვახვედრეს? ასეთი ხელშეკრულების ხელმოწერა ღირდა?"

ასავალ-დასავალი, 22-28 დეკემბერი

პასა კუპაშა, თავისუფალი საქართველო: "დასავლე-

თისთვის მთავარია საკუთარი ინტერესები და არა საქართველოს მოსახლეობის განწყობა! საერთოდ, ვისაც ჰგონია, რომ დასავლეთი დემოკრატიულ ფასეულობებზეა დაყრდნობილი, ის, უბრალოდ, გაუნათლებელია!"

საქინფორმი, 23 დეკემბერი

"მთელი რიგი ტერორისტული დაჯგუფებების წარმოქმნაში უზარმაზარი როლი შეასრულეს არა მარტო „ზოგიერთმა წევრმა“, არამედ გაერთიანების სავარაუდო ლიდერმა - ამერიკის შეერთებულმა შტატებმა..."

სირიაში ამერიკის მთავრობისა და „ალ-ქაიდას“ ბოვეიკების თანამშრომლობასთან დაკავშირებით არავითარი უტყუარი ცნობები არ არსებობს, თუმცა იმის მიხედვით, თუ როგორ ხორციელდებოდა ამერიკის ადმინისტრაციის მიერ სალავიტელი ბოვეიკების მხეცური მოქმედებების დიპლომატიური ხელდაფარება, შეგვიძლია ვივარაუდოთ, რომ ისინი არსებობს, თანაც - საკმაოდ სერიოზული." <http://bit.ly/1DMxTad>

GEWORLD.GE, 24 დეკემბერი

ზურაბ ცუცქერიძე, ავტორი: „როგორც კი ჩვენმა არჩეულმა პარლამენტმა გამოაცხადა მორატორიუმი უცხოელებისთვის მამაკაშვილი სამკვიდროს მიყიდვის შესახებ, მაშინვე ცოფიანებით გამოხტნენ „ენჯელოშნიკები“ დაიკვილეს _ არიქა, საქართველოს პარლამენტი ევროპულ ღირებულებებს ღალატობსო. ეს ჩვენი ხელისუფლება კი, ევროვიდეების შიშით ქუსლებიდან სული რომ ეპარება, ადგა და წყალწყალა მორატორიუმი გააუქმა. <http://bit.ly/1HVhfpj>

გენდერული ნიშნით დისკრიმინაცია

ალია, 25 დეკემბერი

სათაური: ცოლს იატაკი არ მოაწმენდინოთ, თორემ დაგიჭერენ!

"მამაკაცებო, რომლებიც ფიქრობთ, რომ თქვენი მეორე ნახევრები უბრალოდ ვალდებულები არიან, მუდმივად უკაცრავად და წაკუზულებმა ხეხონ იატაკი, რეცხონ ჭურჭელი და სადილი ამზადონ, ფრთხილად იყავით, რადგან კანონი, შესაძლოა, თქვენ მხარეზე არ იყოს და ადამიანის ექსპლუატაციისთვის პატიმრობაც „გაირტყათ“.

არა რად გინა ისეთი ცოლი, რომელიც თავადვე ვერ მიხვდება, რომ სახლს დალაგება უნდა, მაგრამ კეთილი ინებეთ და ცოტა თქვენც წააშველეთ ხელი განა ქვეყანა დაიქცევა?!"

დასაწყისი გვ. 1

ორგანიზაციები - ქართველ მუსლიმთა ურთიერთობა, მედიის განვითარების ფონდი და ტოლერანტობისა და მრავალფეროვნების ინსტიტუტი გადაცემაში მაუწყებელთა ქცევის კოდექსის ხუთი მუხლის (14. 9, 18. 2, 33. 1 - 2, 44. 1, 47.11) დარღვევის ფაქტს ასაჩივრებენ.

საჩივრის თანახმად, ჟურნალისტი მთელ სიუჟეტში ავითარებს აზრს, თითქოს ქობულეთში მოქმედ მუსლიმ მოსწავლეთა პანსიონში მშობლები შვილებს სასწავლებლად არა რელიგიური მრწამსის, არამედ სოციალური სიდუხჭირის გამო აგზავნიან, რაც "რელიგიურ კუთვნილებასა და უარყოფით მოვლენებს შორის დაუსაბუთებელი პარალელების გავლენას" (მუხლი 33.1), ასევე "უმცირესობების და სოციალური პრობლემების შესახებ არასწორი და შეცდომაში შემყვანი განცხადებების გაკეთებას" წარმოადგენს და ხელს უწყობს სტერეოტიპების ჩამოყალიბებას (მუხლი 33.2).

რელიგიურ ნიადაგზე დისკრიმინაციის გარდა, საჩივრის ავტორები ბავშვთა უფლებების დარღვევაზეც ამახვილებენ ყურადღებას, რაც სოციალური პრობლემის საილუსტრაციოდ არასრულწლოვანთა გამოყენებაში გამოიხატება. "სიუჟეტის დასაწყისში პრობლემის საილუსტრაციოდ ჟურნალისტს მოყვანილი ყავს 13 წლის გოდერძის და ჯემალის მაგალითები. არ არის დაფარული არც პანსიონის სხვა მოსწავლეთა სახეები, რომელთაც ჟურნალისტი სოციალური გაჭირვების გამო მედრესეში გაგზავნილ მოზარდებად წარმოაჩენს", - აღნიშნულია საჩივარში.

დარღვეულია მაუწყებელთა ქცევის 47(11)-ე მუხლი, რომლის თანახმად, "აკრძალულია მაუწყებლის მიერ ისეთი პროგრამის გადაცემა ან პროგრამაში მასალის განთავსება, რომელმაც შეიძლება ზიანი მიაყენოს არასრულწლოვანთა სოციალიზაციის პროცესს;" ასევე 44-ე (1) მუხლი, რომლის მიხედვითაც, "მაუწყებელმა უნდა უზრუნველყოს პროგრამაში

მონაწილე არასრულწლოვანთა ფიზიკური, ფსიქოლოგიური და სულიერი კეთილდღეობის დაცვა, მშობელთა, მზრუნველთა ან მეურვეთა თანხმობის მიუხედავად."

საჩივრის ავტორები ასევე ყურადღებას ამახვილებენ სიზუსტის და მიუკერძოებლობის პრინციპის დარღვევაზე, რის საილუსტრაციოდაც მოყვანილია გაეროს ბავშვთა ფონდის სოციალური კეთილდღეობის პროგრამების ხელმძღვანელის კომენტარი "ღრმა და მძიმე შეზღუდული შესაძლებლობის მქონე ბავშვების" პრობლემაზე, რასაც ჟურნალისტი სრულიად სხვა კონტექსტში ციტირებს და კერძო რელიგიური პანსიონების თემას დაუსაბუთებლად უკავშირებს.

"ჟურნალისტის შეფასებაში ექსკლუზიურად მხოლოდ მუსლიმანურ პანსიონებზეა საუბარი მაშინ, როდესაც ანალოგიური ტიპის დაწესებულებები სხვა კონფესიების ეგიდითაც ფუნქციონირებენ", -

აღნიშნულია საჩივარში, რომელიც ყურადღებას კოდექსის მე-18. 2 მუხლის დარღვევაზე ამახვილებს. კერძოდ:

"პროგრამა ან სიუჟეტი მიკერძოებული იქნება, თუ ის არ მოიცავს ამომწურავ ინფორმაციას მნიშვნელოვანი ფაქტების შესახებ, აგებულია უმნიშვნელო ფაქტებზე, შეგნებულად ან გაუცნობიერებლად შეჰყავს აუდიტორია შეცდომაში, შენიღბული სახით გამოხატავს მიკერძოებული პირის მოსაზრებებს."

სამმა არასამთავრობო ორგანიზაციამ ტელეკომპანია "იმედის" თვითრეგულირების ორგანოს საჩივრით 31 დეკემბერს მიმართა.